

তারিখ ... SEP. 27 1999
পৃষ্ঠা ১৩ কলাম ১

127

ঢাকা বিশ্ববিদ্যালয়ের ডীন নির্বাচন আজ

বিশ্ববিদ্যালয় প্রতিবেদক : ঢাকা বিশ্ববিদ্যালয়ের সাতটি অনুষদের ডীন নির্বাচন আজ সোমবার অনুষ্ঠিত হবে। আওয়ামী লীগ সমর্থিত নীল দল এবং বিএনপি সমর্থিত সাদা দল এ নির্বাচনে প্রতিদ্বন্দ্বিতা করছে। ঢাকা বিশ্ববিদ্যালয়ের ছাত্র শিক্ষক কেন্দ্রে আজ সকাল ৯টা থেকে ১টা পর্যন্ত নির্বাচন অনুষ্ঠিত হবে। ৮৫০ জন শিক্ষক সরাসরি ভোট দিয়ে সাতটি অনুষদের ডীনদের ২ বছরের জন্য নির্বাচিত করবে। এ বছরের মেয়াদ গত ৩০ জুন শেষ হয়েছে। প্রধান নির্বাচন কমিশনার হিসেবে উপ-উপাচার্য অধ্যাপক শাহাদাত আলী দায়িত্ব পালন করবেন।

নীল দল এবার গত নির্বাচনে পরাজয়ের কুখ্য বিবেচনায় রেখে ব্যাপক প্রচার-প্রচারণা চালিয়েছে। নির্বাচনকে সামনে রেখে তারা দলের অভ্যন্তরীণ কোন্দল প্রায় মিটিয়ে ফেলেছে। এ নির্বাচনে নীল দলের অবস্থান পাঁচটি অনুষদে বেশ ভালো বলে সংশ্লিষ্টরা জানিয়েছেন।

অপরদিকে বিএনপি, জামাত সমর্থিত সাদা দল অন্ততপক্ষে গত নির্বাচনের অবস্থান ধরে রাখার চেষ্টা করছে। এ জন্য শিক্ষক সমিতি ও সিভিকেট নির্বাচনের ক্রমবর্ধমান ভাল ফলাফল তাদের উৎসাহ জোগাচ্ছে। গত ডীন নির্বাচনে সাদা দল চারটি অনুষদে বিজয়ী হয়েছিল।

বামপন্থী গোলাপী দলের শিক্ষকরা পরাজয় এড়াতে এবার আর নির্বাচনে যাচ্ছে না। নীল এবং সাদা উভয় দলের প্রার্থীরা গোলাপী দলের সমর্থন পাবে।